

THRU THE BIBLE MINISTRIES

BROADCAST SCRIPT

Programme ID: n°0058

Language: Baoule

Book (livre): **Bobolè 45:1 - 45:21**

Ndɛ su fitilɛ

I mma 1-2

Zozef trɛ i awlɛn siɛn'n sran nga be o i wun lɛ'n be nyrun-ɔn, ɔ yo-man ye kun. Yɛ ɔ kpan seli kɛ : « Amun kwlaa amun fite. » ɔ man ɔ nin i niaan'm be ngunmin ye be kali lɛ nan fɛ i wun ɔ'a kle be. Sanngɛ ɔ sunnin kekle, ɔ man Ezipt fuɛ'm be tili. Ezipt famiɛn'n i awlo lɔfuɛ'm be kusu be tili. (Bobolè 45 :1-2)

Zozef ɔ'a kwla trɛ-men i anwlɛn kun, ɔ fa ndɛ nga fiɛ i niaan be wun ɔ yo man ye kun afin kɛ ɔ Sali be nian-nin'n be kusu be tɛli su klanman. Kɛ Zida ijoli lele bɔ wie ndɛ'm be kan'n, Zozef i konviabo bo i kpɔlɛ nan fuan be kawlaa nga be o kan be koko yalɛ lɛ'n kɛ be fite. ɔ-nin niaan mun ye be kali lɛ ɔ nan wa fɛ i wun wa kle be. Kɛ ɔ yo sɔ'n wun ɔ sun. Ezipt famiɛn lɔfuɛ'm be kwlaa be tili i sunlɛ'n afin wa su-man bleble.

I mma 3-4

Zozef seli i niaan'm be kɛ : « Zozef'n ye kɛ min. « ?Min si tɛ o lɛ ? » I niaan'm be tɛ su-ɔ ɔ yo-man ye, be akunndan'n bɔ ɔ'a sanngan dan'n ti. Zozef waan : « An wunnge min wun wa .» Yɛ be wunnge i wun b-ɔ. ɔ seli be kɛ : « Amun niaan bian Zozef bɔ an yoli i atɛ bɔ be toli i be fa bali Ezipt wa'n min-ɔn. (Bobolè 45 :3-4) Zozef wa fɛ wun wa kle. Aklunnjue nin sannganlɛ kan ngɔ toli ɔ yoli kekle fa mannin aniaan blu nin kun sɔ bɔ srɛ kunnin be i bobolɛ nun. Sanngɛ wa liɛ be aklunjuɛ wa yoli dan tratali su. Ndɛ sɔ'n fuli be nun. Be lafi-man su kɛ be nin be

niaan Zozef be w aya nun cɛn wie le. Be nuan bɔ boli be wun ti'n ba kwla kanman ndɛ be jinjin lɛ kɛ waka sran wie mun sa. Sienlien kɛ Zozef ijɔ ɔ kan ndɛ ebre nun. Zakɔb i mma mun ba wunnin kɛ kansu-li kɛ be tu asre be anien nun Zozef tili kwlaa ngba'n.

I mma 5-8

Ndɛ nga Zozef kannin, n su i su ekun

Sanngɛ nan' amun akunndan sanngan, nan' an koko sekɛ : « ?Ngue ti yɛ e yoli i atɛ bɔ be fɛli i bal i wa-a ? » Afin kɛ ɔ'yo nan amu' an wu-man'n i ti yɛ Nyanmien yoli man n dunnin mmua amun nyrun wa-a. Afin kɛ awe'n kpennin mɛn'n nun'n, ɔ'a di afuɛ nnyɔn. ɔ tɛ ka afuɛ nnun ekun bɔ be di fie-ɔ, ɔ su yo-man kpa nan se kɛ like yɛ be nyɛn i-ɔ. Nyanmien yoli man n dunnin amun nyrun mmua wa nan ɔ'a de amun, nan amu'n fite nun, nan amu'n kwla tran mɛn nga nun. Nanwɛ nan amu'n yɛ man m bali wa-a Nyanmien-ɔn. i fanngan nun m'an kaci Ezipt famien'n i anwɛn su sran. Min yɛ n sie i awlo nin-ɔn. N kunngba'n n ti Ezipt mɛn wunman'n su kpɛn. (Bobolɛ 45 :5-8)

Zozef seli kɛ : « kɛ ɔ'yo nan amu' an wu-man'n i ti yɛ Nyanmien yoli man n dunnin mmua amun nyrun wa-a. » ɔ man be kwla wun nguan ɔ nin Nyanmien be wɛ. Aniaan blu sɔ'm be yoli Zozef atɛ kɛ kanga sa. Sanngɛ Nyanmien bɔbɔ yɛ ɔ siesieli jajali kwlaa sɔ'mun-ɔ. I wan ɔ yo i sɔ nan nan' awe kunbe. Aengue ufɛ nun e kɛnken i kɛ : « si kɛ sa kwlaa nga b'ɔ ju'n, e bɔ e klo Nyanmien b'ɔ ɔ fɛli e yɛlɛ kɛ ɔ bu yɛ akunndan sieli laa'n, e kpa yolɛ ti yɛ ɔ man sa sɔ'm be yo-ɔ » (Rɔmfuɛ 8 :28) Kɛ e nian bɔ fata kɛ sate yɛ ɔ tɔ i su'n, Zozef sa nga ɔ tɔ i su yɛ ɔ kwla wunmen i wɛ, sanngɛ sa nga be juli i su'n ɔ su wun be wɛ. Kɛ e kan ndɛ sɔ'n e fa ju yɛ, aniaan sɔ'm be kwla usa be wun kɛ be su cɛn lalie annze kusu man nanwɛ ndɛ-ɔ. Zozef si kɛ sa nga i niaan'm de yoli timan kpa, sanngɛ ɔ si kɛ i kwlaa sɔ Nyanmien yɛ ɔsiesieli-ɔ. E wun ekun kɛ Zozef ti sran kpa afin ɔ nin sa nga ɔ juli i su sɔ'n, ɔ feli wla guali Ananganman su. I sɔ'n ti ɔ lafili su kɛ sa kwla jumen i su ngben sa, sanngɛ nvialie nun i Nyanmien, Abraam Nyanmien, nin Izaak

ɔ nin i si Zakɔb be Nyanmien i ye ɔ siesieli i sɔ ke ɔ ko yo nan i klun sa'n i nuan wa ya ti. Se Zozef su wun i wle'n sienlie'n, man e si ke i kikli su wa yo man pɔpɔ.

I mma 9-11

N su nde su ekun

ɔ man-wɔ min si sin ndende an ko se i ke : « ɔ wa Zozef waan : « Nyanmien sieli min Ezipt wunmuan i siefue i ti nan sisi ɔ bo bla. N sie ɔ Gosen nvle nun min wun koko wa. ɔ mma mun nin wɔ anunman mun nin ɔ bua mun, nin ɔ boli mun, nin ɔ nannin mun, ɔ nin ɔ sa nun ninng'e'n kwlaa, n'sie be min wun koko wa wie. se a ba'n, m'man wɔ alie a'di. ɔ man a nin ɔ osufue mun, ɔ nin ɔ nnen mun'n like fi su mian-man amun awe afue nnun ngo te ka'n nun. » (Bobole 45 :9-11)

Sa nga ɔ kle Zozef yale yele i si i nguan nun tranle bɔ i niaan'm be lekeli i. I wan ɔ yo nan i si i wla'n gua ase. I sɔ'n ti ye ɔ se i niaan mun be ke be ko fe bla ndende nin-ɔn. Gosen mantan nzue be fle Nil ɔ mantan awe nga ɔ wo Ezipt nin Izrael be afien nun i glo lika nga ɔ mantan wia i afilie lɔ. ɔ ti men sɔ'n i akpasua kun bɔ asie ti sɔwa. ɔ ti lika kpa kun bɔ be kwla ta nnen mun lɔ nin fie dile lɔ. Anannganman wa yo man Zakɔb i osu be wa tran lika kpa kun nun, ye be nin Kanaanfue mun nin Eziptfue mun be su sangan-man nun. se wa yo man sɔ'n nvle sɔ fue mun be nzuen te nin be wafa nga be fa sɔ be amuen mun ɔ sa Izrael osufue mun. Ke nga sa ye Nyanmien ɔ wa ye i kasie ngo boli kleli Abraam ye ɔ su jaja nga bɔ man ɔ fa de men wunmuan i su.

I mma 12-13

Man e wɔ e nyrun

Amun bɔbɔ amun nyin ta min, min niaan Benzamen kusu i nyin ta nun jreiin ke min-ɔn. Nan be waan-an, m bɔbɔ min waan. An kan sa su nga nyen i Ezipt wa'n nin like nga amun bɔbɔ amun wunnin i'n i nun nde kle min si, nan amun nin i be bla ndende. (Bobole 45 :12-13)

Zozef wo sran blu nin kun bɔ be ti kɛ ba wu sa. Be nyrun, ba kaci kɛ waka sran bɔ kwla tumen i bo sa. Sa sɔ'n tɛ kle i niaan mun be yale yelɛ kɛ like nga be su wun i tra like nga be kpeli be ti nun be yoli.

I mma 14-15

Yɛ ɔ'tɔ Benzamɛn nun yɛ ɔ'sun-ɔn. Benzamɛn kusu lɛ sunlɛ. ɔ tɔli i niaan'm be be kwlaa be nu wie, ɔ sunnin, yɛ kpɛkun i niaan'm ben in kokoli yalɛ-ɔ. (Bobolɛ 45 :14-15)

I sin Zozef yili i niaan'm be klolɛ i nglo jreiin be sa tɛ nga bɔ yacili cɛli be i nun. Be wla wa gua ase sienlien afin be si kɛ be niaan bian Zozef i nyrun yɛ be-o-ɔ. I bɔ buman sa nga be yoli i like fi'n.

I mma 16-20

N kanngan n kɔ min nyrun.

Kɛ e i jɔ wa yɛ'n Ezipt famiɛn i awlo bɔfue'm be kwlaa b'a ti i kɛ Zozef i niaan'm b'a ba. Kɛ Ezipt famiɛn tili ndɛ sɔ'n, ɔ yoli i nin i mantan fue'm be fɛ. Ezipt famiɛn'n seli Zozef kɛ : « Se ɔ niaan'm be kɛ cici be nnɛn'm be sin trɔ'm nan be sa be sin wɔ Kanaan mɛn'n nun b, nan be nin be si nin be osufue'm be bla min wun wa. Ezipt wa lika klanman'n yo be liɛ. Aliɛ kpakpa ngɔ o wa'n, be nyan wie be di. Se be kɛ be fa Ezipt wa kakaklolo'n wie be fa sua be yi nin be mma mun, ɔ nin be si be bla. Nan' be koko be ninngɛ nga be ka b'n be ti. Kan be wa tran lɛ'n yɛ ɔti Ezipt lika'n i nun kpa nin-ɔn » (Bobolɛ 45 :16-20)

Sa nga ɔ juli'n truli ndɛndɛ kpa. I sɔ'n ti Faraɔn sa ng'ɔ juli Zozef i awolo'n, ɔ tili wie. Nyanmien dunman nun ti, famiɛn i awlofue mun be kwlaa ba ti i ke sran sɔ'm bɔ be bali be ti Vizir fue dan i niaan mun. Ezipt famiɛn kɛ ndɛ tɔli i sun nun, ɔ yili i klolɛ bɔ fa klo Zozef i nglo. ɔ fali i niaan mun kɛ i bɔbɔ faraɔn i aofue mun sa. Afin kɛ sa dan tɔli Ezipt su'n, Zozef yɛ ɔ su ti be afien nyanman nun. I siesie wa kwla ngɔ siesieli'n, ɔ yoli man Ezipt nvle nin nun fue mun be kwlaa be tran kowun awe nun srɛ fi kun-man be. Sɛ i osufe mun be ba'n san be nun sɔlɛ kpa yɛ be sɔ. Lɛ yɛ e wunnin kɛ Ezipt famiɛn'n yili i klolɛ bɔ fa klo Zozef i nglo nin-ɔn.

I mma 21-24

Man e kanngan

Izraël i mma'm be niannin nde nga be kleli be'n su yoli. Zozef mannin be kakaklolo ke Ezipt famien'n fa kannin'n sa. o mannin be ninngbe nga be ko di i atin'n nun. o ceceli be trale kpakpa'm be ti nun ti nun. Kpekkuun o mannin Benzamen jete ufue ya nsan nin trale kpakpa nnun. o fali Ezipt lo ninngbe kpakpa wie mun wlali tro, nan o'a fa sie aflunmun yasua blu be sin, kpekkuun o wlali ble nin kpaun, o nin alie fanunfanun tro, nan o'a fa sie aflunmun bla blu be sin. I waan be fa ko men i si ke i atin'n nun alie- o. Ye o mannin be atin o li-o. o seli be ke : « Nan an kpe nde atin'nun nun. » (Bobole45:21-24)

E wun i ke Zozef si i niaan mun bo fali jete ufue fa mannin i niaan Benzamen ti'n o si ke i nyrun kpenngben mun be kwla le sika so i sinmma sa nun. Se be nzuen nian kaci-man e, se kusu be awlen wa kaci o. I so'n ti ye o seli be ke nan-man be kpe nde atin'nun nin-on. Tro Zozef wlawlali bo o fa mannin i niaan mun, ke be fa sa be sin Kanaan men nun lo'n be ko fe si nin be yi mun nin be mma mun, o nin be bo kwlaa be bla, tro so sonnin. Klole bo Zozef klo i niaan mun nin si'n, i nglo ye o su yi i nglo le-o. Ke o wlali be tro kunngun'n o mannin be atin ke be wo.

Nde nga bo o wo nun yeke ke Nyanmien wa dunmua siesie atin. Ninngbe kwlaa nga bo o ju i nvle su, o yoli man i so ngba'n tuli atin sun. Ye man Jakob i osufue'm be wa ba Ezipt bole be wa tran Ezipt nvle nun. Laa be nannan Abraam nin Izak be bali Ezipt be wa trannin le wie. Sannge le tranle'n wa yo-man be kpa nan Nyanmien bobo wa se be ke be wo.

E nde i su sule'n, wa kle ye sa bo wa ju be su Ezipt lo. Sannge wa fan, man e kwla kwla e di akunjue wie. Man ble kasien'n bo e ya su i su wa kan Zozef nin i niaan mun o-nin i osufue mun be nde wie ekun. Man Nyanmien o uko. E wo cen ufle.